

欽
定
全
唐
文

欽定全唐文卷十五目錄

高宗 五

請勿親行陣表

答元奘謝啟書

答元奘請入少林寺繙經書

誠滕王元嬰書

與百濟王義慈璽書

三藏聖教後序

述聖記

德威法師贊

玉華宮山銘

隆國寺碑銘

萬年宮碑銘

攝山棲霞寺明徵君碑銘

孝敬皇帝叡德紀

大唐故司空太子太師上柱國贈太尉揚州大都

督英貞武公李公碑

泰山玉牒文

祭告孔子廟文

枇杷子帖

叔藝帖

欽定全唐文卷十五

高宗五

請勿親行陣表

伏承聖躬去賊城不踰百步臣魂飛膽戰莫知自處伏願
思宗社之重以億兆爲心收雷霆之威駐矢石之外臣之
愚誠敢以死論

答元獎謝啟書

治素無才學性不聰敏內典諸文殊未觀覽所作論序鄙
拙尤繁忽見來書褒揚讚述撫躬自省慚悚交并勞師等

遠臻深以爲愧

答元奘請入少林寺繙經書

省表知欲晦跡巖泉追遁遠而架往託慮禪寂軌澄什以
標今仰挹風徽實所欽尚朕業空學寡靡究高深然以淺
識薄聞未見其可法師津梁三界汲引四生智皎心燈定
凝意水非情塵之所翳豈識浪之能驚道德可居何必太
華疊嶺空寂可舍豈獨少室重巒幸戢來言勿復陳請即
市朝大隱不獨貴於昔賢見聞宏益更可珍於即代

誠滕王元嬰書

王地在宗枝寄深磐石幼聞詩禮夙承義訓實冀孜孜無怠漸以成德豈謂不遵軌轍踰越典章且城池作固以備不虞關鑰閉開須有常準鳩合散樂並集府僚嚴關夜開非復一度過密之悲尚纏比屋王以此情事何遽紛紜又巡省百姓本觀風問俗遂乃驅率老幼借狗求豎志從禽之娛忽黎元之重時方農要屢出畋遊以彈彈人將爲笑樂取適之方亦應多緒何必此事方得爲娛晉靈虐主未可取則趙孝文趨走小人張四又倡優賤隸王親與博戲極爲輕脫一府官僚何所瞻望凝寒方甚以雪埋人虐物

金史卷之三
三
既深何以爲樂家人奴僕侮弄官人至於此事彌不可長
朕以王骨肉至親不能致王於法令與王下上考以愧王
心人之有過貴在能改國有憲章私恩難再興言及此慚
嘆盈懷

與百濟王義慈璽書

海東三國開基日久並列疆界地實犬牙近代以來遂構
嫌隙戰爭交起略無寧歲遂令三韓之氓命懸刀俎尋戈
肆憤朝夕相仍朕代天理物載深矜愍去歲王及高麗新
羅等使並來入朝朕命釋茲讎怨更敦款穆新羅使金法

敏奏書高麗百濟脣齒相依競舉兵戈侵逼交至大城重鎮并爲百濟所併疆宇日蹙威力並謝乞詔百濟令歸所侵之城若不奉詔即自興兵打取但得故地即請交和朕以其言旣順不可不許昔齊桓列土諸侯尚存亡國況朕萬國之主豈可不恤危藩王所兼新羅之城並宜還其本國新羅所獲百濟俘虜亦遣還王然後解患釋紛韜戈偃革百姓獲息肩之願三蕃無戰爭之勞比夫流血邊亭積屍疆場耕織並廢士女無聊豈可同年而語矣王若不從進止朕已依法敏所請任其與王決戰亦令約束高麗不

許遠相救恤高麗若不承命即令契丹諸蕃度遼澤入抄掠王可深思朕言自求多福審圖良策無貽後悔

三藏聖教後序

蓋聞羲皇至蹟精粹止於龜文軒后通幽雅奧窮於鳥篆考丹書而索隱殊昧實際之源徵綠錯以研幾蓋非常樂之道猶且事光圖史振虞薰於八埏德洽生靈激堯波於萬代伏惟皇帝陛下轉輪垂拱而化漸雞園勝殿凝旒而神交鷲嶺總調御於徽號匪文思之所窺綜般若於綸言豈繫象之能擬由是教覃溟表咸傳八解之音訓浹寰中

皆踐四禪之軌遂使三千法界盡懷生而可期百億須彌
入提封而作鎮尼連德水邇帝皇之滄池舍衛庵園接上
林之茂苑雖復法性空寂隨感必通真乘深妙無幽不闡
所謂大權御極導法流而靡窮能仁撫運拂劫石而無盡
體均具相不可思議校美前王焉可同年而語矣爰自開
闡地限流沙震旦未融靈文尚隱漢王精感託夢想於元
宵晉后翹誠降修多於白馬有同蠡酌豈達四海之涯取
譬管窺寧窮七曜之曠洎乎皇靈遐暢威加鐵圍之表至
聖發明德被金剛之際恒沙國土普襲衣冠開解脫門踐

眞實路龍宮梵說之偈必萃清臺猊吼貝葉之文咸歸冊府灑茲甘露普潤芽莖垂此慧雲遍霑翾走豈非歸依之勝業聖政之靈感者乎大菩薩藏經者大覺義宗之要旨也佛修此道以證無生菩薩受持咸登不退六波羅蜜關鍵所資四無量心根力斯備蓋彼岸之津涉正覺之梯航者焉貞觀中年身毒歸化越熱坂而頒朔跨懸度以輸琛文軌旣同道路無壅沙門元奘振錫尋眞出自玉關長驅柰苑至於天竺力士生處訪獲者經歸而奏上降詔翻譯於是畢功余以問安之暇澄心妙法之寶奉述天旨微表

贊揚式命有司綴於終卷

述聖記

夫顯揚正教非智無以廣其文崇闡微言非賢莫能定其旨蓋真如聖教者諸法之元宗衆經之軌躅也綜括宏遠奧旨遐深極空有之精微體生滅之機要詞茂道曠尋之者不究其源文顯義幽履之者莫測其際故知聖慈所被業無善而不臻妙化所敷緣無惡而不翦開法網之綱紀宏六度之正教拯羣有之塗炭啟三藏之祕局是以名無翼而長飛道無根而永固道名流慶厯邃古而鎮常赴感

應身經塵劫而不朽晨鐘夕梵交二音於鷲峯慧日法流
轉雙輪於鹿苑排空寶蓋接翔雲而共飛莊野春林與天
華而合彩伏惟皇帝陛下上元資福垂拱而治八荒德被
黔黎歛衽而朝萬國恩加朽骨石室歸貝葉之文澤及昆
蟲金匱流梵說之偈遂使阿耨達水通神甸之八川耆闍
崛山積嵩華之翠嶺竊以法性凝寂靡歸心而不通智地
元奧感懇誠而遂顯豈謂重昏之夜燭慧炬之光火宅之
朝降法雨之澤於是百川異流同會於海萬區分藝總成
乎實豈與湯武校其優劣堯舜比其聖德者哉元奘法師

者夙懷聰令立志夷簡神清齟齬之年體拔浮華之世凝
情定室匿迹幽巖栖息三禪巡遊十地超六塵之境獨步
迦維會一乘之旨隨機化物以中華之無質尋印度之真
文遠涉恒河終期滿字頻登雪嶺更獲半珠問道往還十
有七載備通釋典利物爲心以貞觀十九年二月六日奉
勅於宏福寺翻譯聖教要文凡六百五十七部引大海之
法流洗塵勞而不竭傳智燈之長燄皎幽闇而恒明自非
久植勝緣何以顯揚斯旨所謂法相常住齊三光之明我
皇福臻同二儀之固伏見御製衆經論序照古騰今理含

金石之聲文抱風雲之潤治輒以輕塵足嶽墜露添流略
舉大綱以爲斯記

德威法師贊

河汾之寶山嶽之英早祛俗累夙解塵纓緇門仰德紺宇
馳聲式亞龍樹爰齊馬鳴

玉華宮山銘

順訪峒山鐫芳金石道光軒駕聲流姬迹矧此崇巖介通
帝宅峻侔銅柱祥韜金碧飲渭南通鳴岐西格炎生肇授
彤暑初融高明叶宇卜揆裁宮鳳標銜露鳥跂捫空丹谿

繚繞旋

一作堤

樹玲瓏逕分餘雪嶺界斜虹流花縈景清籟

嘶風波移控鯉雲飛御鶴沈沈松嶝萋萋蘭幙霧宿重巒
寒生洞壑峯高鳥路月對林垂交藤散綠懸鏡成規鴈歸
繞薜鳳下標椅崖依注薜池涵卷施廣運堯心式昭夏諺
端靈養白申歌祕殿菌閣流霜椒臺凝霰玉榮闕賞瑤池
肆宴福壽無雙華封斯薦

隆國寺碑銘

朕聞乾坤締構之初品物權輿之始莫不借形后土藉覆
穹蒼然二曜輝天靡測盈虛之象四溟紀地豈究波瀾之

極況乎法門沖寂現生不滅之前聖教牢籠示有無形之外故以道光塵劫化洽含靈者矣緬夫王宮發跡蓮披超步之花神沼騰光樹曲低空之幹演德音於鹿苑會多士於龍宮福已罪之羣生興將滅之人代能使下愚挹道骨碎寒林之野上哲欽風魂沈雪山之偈絲飄法雨清火宅而辭炎輪昇慧日皎重昏而歸晝朕逖覽緬史詳觀道藝福崇永劫者其惟釋教歟文德皇太后憑柯瓊樹䟽派璇源德照塗山道光嫺汭流芬彤管彰懿則於八紘垂訓紫宮扇徽猷於萬古遽而陰精掩月永戢貞輝坤維絕紐長

淪茂迹撫奩鏡而增感望陟屺而何追昔仲由興歎於千
鍾虞邱致哀於三失朕之罔極實有切於終身故載懷興
葺創茲金地却背郊野點千莊之樹錦前臨終岳吐百仞
之峯蓮左面八川水蛟地而分鏡右隣九達羽飛蓋而連
雲抑天府之奧區信上京之勝地爾其雕軒架迴綺閣臨
虛丹空曉烏煥日宮而泛彩素天初兔鑒月殿而澄輝薰
徑秋蘭踈庭佩紫芳巖冬桂密戶叢丹燈皎繁華焰轉煙
心之鶴旛標迴剎彩縈天外之虹飛陛參差含文靈而棲
玉輕簾舒卷網靨宿而編珠霞班低岫之紅池汎漠煙之

翠鳴佩與宵鐘合韻和風共晨梵分音豈直香積天宮遠
慚輪奐闔風仙闕遙愧雕華而已哉有元奘法師者實真
如之冠冕也器宇凝邃若清風之肅長松縟思繁蔚如綺
霞之輝迴漢騰今照古之智挺自生知蘊寂懷真之誠發
乎齟齬孤標一代邁生遠以照前迴秀千齡架澄什而光
後以爲淳風替古澆俗移今悲巨夜之長昏痛微言之永
翳遂乃投迹異域廣滄祕教乘杯雲漢之外振錫煙霞之
表滔天巨海侵驚浪而羈遊亘地嚴霜犯淒氛而獨逝平
郊散緒衣單雪嶺之風曠野低輪肌弊流沙之日遐征月

路影對宵而暫雙遠邁危峯形臨朝而永隻研窮智境探
蹟至真心罄元津研幾祕術通昔賢之所不逮悟先典之
所未聞遂得金牒東流續將斷之教寶偈西徙補已缺之
文於時睠彼靈基棲心此地宏宣奧旨葉方翠於祗林遠
關幽關波再清於定水朕所以虔誠八正肅志雙林將延
景福式資冥助奉願皇太后逍遙六度神遊丹闕之前偃
息四禪魂昇紫極之境悲夫玉燭易往促四序於炎涼金
箭難留馳六龍於晷漏恐波遷樹在夷溟海於桑田地是
勢非淪高岸爲幽谷於是敬刊貞石式旌真境其銘曰

三光照象萬品流形人途超忽時代虛盈淳風久謝澆俗
潛生愛波滔識業霧昏情猗歟調御迦維騰迹妙道乘幽
元源控寂驚峯遐峙龍宮廣闢慧日舒光慈雲吐液瞻言
聖教載想德音義微往劫道冠來今騰神九域晦迹雙林
漢夢如在周星遽沈悲纏奩鏡哀深棟宇濯龍潛潤椒風
韜緒露葉朝侵風枝夕舉雲車一駕悠哉萬古乃興輪奐
實構雕華紫棟留月紅梁藻霞雲窓散葉風沼翻花蓋低
鳳偃橋側虹斜爰有慧命英氣虛沖孤標千載獨步三空
給園味道雪嶺淪風智燈再朗真筌重宗四運周流六龍

馳驚巨夜銷氣函關啟曙茂德徽範微塵表譽勒美彼文
遐年永著

萬年宮碑銘 并序

朕聞金臺逴逴超忽崑閼之間玉闕參差縣邈蓬瀛之際
是以周王肆轍唯招既往之懋漢帝遐遊空益將來之弊
豈如岐陽峻阜鎮茲京甸疏林光之別館建甘泉之離宮
東望嵩華千林結影一作結綵西瞻隴阪派水分流南俯茶原
風雲交映北臨石柱川岳相縈迴迴孤岑秀三襲於霞表
斜斜危路環九折於雲心複澗澄陰扇炎風而變冷重巒

潛暑韜夏景而翻寒故知五鎮之基空號神州之地三仙
之嶺虛傳靈府之都未若翦石裁宮構飛檐於迴漢騰虛
架宇聳紫殿於遙空百仞朱樓月盈虧於青瑯千尋翠閣
雲舒卷於丹墀岫綴霞衣點虹梁而散錦巖飛溜帶瀆石
砌而飛珠浮涼氣於彤闥庭留花而雪夏凝清陰於碧沼
池結鏡而冰春泉擊花潭沁雙峯而吐秀波搖錦石皎兩
鏡而騰暉幾片斷雲縈松合蓋數蓂幽桂捶月分香暝壑
棲煙籠千崖而散碧朝原吐日輝四野而舒紅笑樹餘花
低空落影吟風宿鳥響谷雙嬌鶯不恨而虛啼蜨無情而

散舞朕載懷千古流鑒百王思欲屏逸收驕怡神遣慮崆
峒訪道欽往哲之高風姑射尋真挹先賢之宿志所以停
軒禁籞駐蹕榆川非欲賞恣盤遊途窮轍迹加以時侵首
夏日帶餘春露泣修篁風清邃澗松蘿雲起藤蔦星懸可
以陶瑩心靈澄清耳目鏡冰霜則廉潔斯在撫松筠則貞
操非遙昔姬后西征猶刊弁石秦王東指尚勒稽峯沉勝
地淹留何必華胥之國蕭然物外不假元圃之阿故以劭
美千齡騰徽萬古景其前躅爰紀茲地其銘曰

靈山作鎮挺秀岐陽遠圖天柱迴儷瑤房鶯嬌淑氣花泛

韶光樹含冬霰巖留夏霜構宇重巘栽基疊岫石砌披錦
山窻點繡佩小蘭新峯殘蓮舊雪徑如花冰溪恒畫標途
天外聳闕雲端煙羅邃谷霧宿危巒闕澗曲迴湍彤闌潛
暑翠幌凝寒憇駕離宮淹留禁苑柳初眉細潭深鏡遠蓋
逐雲穿苔隨雨卷葉冷帷秋莊濃闕晚泉飛嶺腹景鏤巖
心霞踈錦薄草密袍深露荷傾玉風螢散金簷空鷗靜山
昏日沈邱壑怡神林篁賞性千里眺覽八州澄鏡玉燭調
序薰琴動詠仰則高山刊規遠映

攝山栖霞寺明徵君碑銘

朕聞鍾山玉闕羽駕之所巡游崑嶽金臺蜺衣之所翔集
雖復真宗宵眇神理希微猶居三界之中未出九天之外
唯有乘如廣運妙覺圓明因無生以濟有生就無象而成
大象道隔去來之際筌繫靡得其端理忘動寂之機隨迎
罕窺其奧得其門者如髻寶之希逢臻其極者似曇花之
難遇南齊徵君明僧紹者平原人也仲雍誕其繇允井伯
播其靈苗芳源肇於孟明因即以明爲姓曾祖忱晉著作
郎祖玩晉建威將軍鳳經流譽雅韻隆於八儒豹略申威
香名高於七校父略宋平原太守中書侍郎朱明出撫揚

惠化而傍霑紫誥攸司罄忠規而奉上徵君早植淨因宿
苞種智悟真空於綺歲體法性於青襟照與神通心將道
合遺榮軒冕少無塵雜之情託志林巖自叶幽貞之趣亭
亭秀氣掩璧月而架丹霄皎皎清衿漱瓊湍而淩碧瀨即
相非相指萬象爲虛空無我無人等四流於寂滅加以學
窮儒肆該綜典墳論極元津精通老易至若鹿野龍宮之
祕猿江鶴樹之文莫不遞貫清衷總持丹府班荆坐樾獨
神王於亭臯朗嘯長吟乃情超於宇宙蒲輪每至攀桂之
節逾高玉帛屢陳枕石之誠彌固遂乃緬懷飛遁抗迹嶠

山託岫䟽階憑林結棟紉蘭製芟方輕藻火之衣爽籟風
松自代管絃之響橫經者四集請益者千餘高鳳愧以韜
光張超謝其成市於時南風不競東土搆屯人厭豺狼之
毒家充虵豕之餌盜仍有道望境歸仁共結盟誓之言不
犯徵君之界豈非至誠攸感木石開心者乎及元厯告終
青光啟祚齊高祖希風佇德側席傍求屢下徵書確乎不
拔其後又移居鬱洲掩榆山栖雲精舍情親魚鳥志狎煙
霞蛻影樊籠蕭然獨往齊建元元年又下詔徵爲散騎侍
郎又不就旣而濟岱淪胥公私蕩覆稽天之浸將湮蹈海

之居燎原之火欲燼藏山之璞乃鴻鸞鳳舉騰萬仞以高
翔擇木選君相九土而遙集淩江迴憩遂屆南京負杖泉
邱游睨林壑歷觀勝境行次攝山神谷仙巖特符心賞於
是披榛薙草定跡深棲樹槿疏池有終焉之志此山其狀
如繖故亦號曰繖山丹穴紅泉共星河而競瀉珠林鏡巘
與月桂而交輝鳥哢巖虛猿吟澗靜松門杳靄去來千里
之雲花援半葑含吐十枝之日實息心之勝地乃宴坐之
名區爰集法流於焉講肄音容秀澈宇量端凝投論會奇
興言入妙若洪鍾之虛受有擊必揚似明鏡之忘疲無來

不應於時元儒兼闡道俗同歸俱號淨名以旌至德先是
山多猛噬人罕登臨昇巖有仙谷之危越澗等憑河之險
徵君心不忤物總萬類以敷仁故使物乃革心屏三毒而
歸惠興風歛暴遽承探鯁之恩游霧含辛自埒報珠之感
於時齊道方修寤寐求賢永明元年又徵爲國子博士徵
君隱居求志義越乎由光不降凝心跡高於園綺鑿坏貞
遁漱石忘歸鶴版載臨豹姿逾遠俄有法師僧辯承風景
慕翼徒振錫翻然戾止法師業隆三藏道邁四依戒行堅
明律軌嚴淨欣然一遇叶契千齡子琴爲莫逆之交溫雪

豈容聲之友因即隣巖構宇別起梵居聳嶠飛柯含風吐
霧栖霞之寺由此創名福地栽基肇發初心之誓法門構
邃遽鍾後說之辰安居頃之辯師遷化六年頂拜雖開青
石之壇千日威光未建紫金之岳徵君積緣登妙至感入
微嘗夢法身冠於曾巘後因垂眺屣步林亭乃有浮磬吟
空寫圓音於帷樹飛香散迴騰寶氣於鑪峯又覩真顏於
巖之首神光駭矚若登靈鷲之山妙力難思如游瞿龍之
邑豈止無垢佛國獨蔭珠雲淨德王家方承珂雪是知不
行而至冥通應感之符爲法而來實昭光啟之福非夫慧

因宿植其孰與於此哉於是拜受嘉徵願言經始將於巖
壁造大尊儀乃眷爲山未遑初簣遽而西州智士與曉岳
而俱傾東國高人隨夜星而共沒瓊瑤落彩峯岫沈暉永
明二年奄遷舟壑第二子臨沂公仲璋顧慕曾纘旣崩心
於岵望徘徊曩構更泣血於楹書遂琢彼翠屏爰開葉座
捨茲碧題式建花宮上憲優填之區仰鏤能仁之像校美
何充之宅遽興崇德之闡逖彼蕭宗大宏釋典文惠太子
及竟陵王或澄少海之源派朝宗於法海或茂本枝之穎
發萌祗於禪枝咸捨淨財光隆慧業時有沙門法度爲智

殿之棟梁即此舊基更興新製又造尊像十有餘龕及梁
運載與銳心迴向大林精舍並事莊嚴臨川王載剖竹符
宣化惟揚之境言尋柰苑興想拔茅之義以天監一十五
載造無量壽像一區帶地連光合高五丈滿月之瑞湛珠
鏡以出雲崖聚日之輝昇壁輪而皎煙路參差四注周以
鳥翅之房迢遞千尋飾以魚鱗之瓦擊鳴乾於爽籟則步
影齊歸麗停午於高曦則息心攸萃逾錦城而特建掩銀
界而孤標良由積慧所符大士著甚深之業用能遙誠克
果永代增希有之緣以曠劫之隆因開舍生之至福偉哉

壯觀無得而稱朕肅纂禎圖丕承寶厯澄九溟而有截宴
八表而無爲紫塞丹岑接封畿於上苑白門青野款賧贄
於仙闈將使率土蒼生鎮昇仁壽之域普天黔首永蹈淳
古之源崇慶越於兩儀景運逾於萬劫屬以晁旒多暇物
色傍求瞻江海而載懷詠林泉而興想欽風味道恨不同
時古往今來撫運化而雖寂德崇業著眷神理而猶存寤
寐遺塵有兼前烈瞻言勝軌歎佇唯深今故於彼度人常
滿七七各兼衣鉢錢二百貫絹二百匹蘇參拾斛繡像織
成像新舊翻譯一切經一藏并幡華等物憑幽尋之曩跡

光顯德門託嘉遁之名區追崇仁里就福宇而延福即祥
基以締祥冀緣金園之庭近叶珠囊之耀所願通因法岸
契果禪林九鼎與元極同安七廟與紫微齊固總三千之
淨土並沐薰歌聲百億之恒沙長爲壽算鐵圍之所苞括
玉燭之所照臨常淦六氣之和俱藻一音之聽夫象以盡
意意非象而不申言以會情情非言而不暢是以發揮二
諦宏演四依迴託蓮花之峯遙刻芝英之字庶海桑頻變
孤超弁岳之碑城芥屢空獨跨稽岑之篆式陳茂實乃作
銘云

悠悠法界摠摠含生輪迴欲海起滅身城俱安大夜共習

無明愛塵岳聚毒樹雲平

其一

邈矣遍知超然獨悟遽乘五

演高被六度大空善說中天巧諭引彼迷途歸之覺路

其二

猗歟淨行育彩昆田家承珪組代著忠賢戒支宿習種智

斯圓棟梁三寶薰修四禪

其三

爰始筮賓薜蘿攸整蹈海沈

跡棲巖滅影天地構屯干戈互警北林罔庇南轅載騁

其四

翻飛澤國厯考山圖言瞻碧磴自韞元珠憑峯架室枕壑

通衢鱣庭廣跨馬帳宏敷

其五

同氣相求善隣遙託道符久

敬心均常樂對闢金園並䟽銀閣谷停帝馬鸞歸梵鶴

其六

空分瑞塔地積香臺珂月霄映珠雲旦來千光霧起七淨

霞聞谷邊飛錫澗下乘杯

其七

桂燼參差松亭隱靄石壇照

錦瑤泉瀉籟岫接香鑪峯承寶蓋翔鳧演法毒龍銷害

其八

梵宮既啟福海長深噬臍忘穴飛鵝革音羣生普戴奕祀

同欽不有高節寧符宿心

其九

御展多閑聞風逖想茂軌遐

劭清暉遽往佇契業於圓明冀崇緣於方廣鏤飛篆於曾

岳齊勝基於穹壤

其十

孝敬皇帝叡德紀

朕聞乾象上浮南陸啟黃離之耀坤元下闢東明敞碧題

之居稽古前王憲兩儀之大則傍求列聖崇貳極之丕緒
所以長隆守器永茂承祧膺繼明而闕四闕萬闕藻人文
以成務茂實光於載鼎嘉聲表於游雷區分四德之規具
美八繁之誠其於宏有之矣宏字宣慈高祖神堯皇帝之
曾孫太宗文武聖皇帝之孫朕之元子也緬惟聖系崇高
極天無以方其峻仙源淼邃浴景無以喻其深如霓表夜
月之禎類馬鬱秋雲之瑞關浮紫氣開闕之闕地闕高祖
屬山鳴之標運躡神嘯之屯期受大命於闕宮修闕氛於
闕野太宗雲行雨施撲炎岳而救焚架欐乘舟濡沸海而

匡溺更張天地息龍戰而靜陰陽重懸神象弭麟闕而清

日月細柳盤桃之域總入提封銅標珠闕之鄉並歸正朔

闕累聖之崇基續重光之大業幸休徵再洽景厯維新宇

宙無虞環瀛有截揚玉燭而調四選品彙昭蘇握金鏡而

朗八荒中外禔福自蒼昊而垂祐闕結本闕由闕而發祥

闕承魏雲而毓質戴玉連珠之異相發於髫初注琴銘劒

之能道光於丗始年纔一歲立爲代王鳧岳崇封闕景風

之典象舟勝智益峻闕人之高朕以主鬯攸闕宰是命闕

龜以闕春闡習禮秋籥彈藝宮之奧旨究肅成之宏義一

物載行九教

闕

允廣延端士納審諭之良箴博採正人佇

宣翼之明行略詮其美

闕

德焉爾其至性純

闕

道

闕

五起問堅切非三

闕

朕及天后攝衛微乖則色不滿容行

不正履出青宮而視膳輟寢通宵入紫庭而扇枕纏憂永

日豈止衣

闕

帶藥必親嘗而已哉此其至孝也監國字人

務在

闕

刑慎

闕

身後

闕

竊金馬而無尤祇召惟恭出銅龍

而載惕此其至仁也承天奉地貽肅雍之大矩迎郊過廟

極祇敬之崇儀

闕

獨不情其容居暗莫移其檢同輿共帳

接

闕

均

闕

之風

闕

橫經

闕

之禮

闕

喻其神望景揣情藏往

無以論其智心融道鏡應萬象以含幾器韞元珠苞六合而凝照辨防年之訟義出羣心驗長壽之書事惟獨察此

其至明也極柱茅簷

闕

衣菲食戀

闕

以爲

闕

朕每賜以

闕

佩服以承恩雅淡旣隆還委襲而從好此其至儉也不邇聲色符帝乙天性之高載植疎通有顓頊冲年之量馳騁末事弃之而弗爲書劒淺技能之而勿貴西苑

闕

遊

闕

林

泉

闕

東

闕

之娛

闕

範

小道

恐泥

不留

聰於

異端

此其

至正

也七門四徹之書互窮泉極蓬府柏臺之祕遞綜真筌考

闕典於叔時採德義於羊傳罷搖嶺之風樂鐘鼓六經輟

闕之闕笙闕此其至闕也柔而能闕匡諷之宜政或是非

潛申獻替之益朕所惡者有片善而必揚朕所好者無纖

微而不舉父有諍子是之謂歟此其至直也縣陲葭葦因

心之戀已切桂山棣屏闕之愛尤深闕輦闕遊未足闕其

孔懷此其至睦也爲而不恃闕柱史之妙門異而能齊體

蒙叟之虛室賓實斯混語默兩忘咸英與林籟同歸袞紱

與雲霞一致此其至通也迪闕衆德闕踐闕詔闕洛陳謨

凌太山而開辯圖闕鮑去俎禮不忘於須臾鈞鼉臨座文

必申於造次畋遊寢跡不待燔翳之書道德立身無容設

木之諫雖復謳歌未作戴啟之願闕攸歸贊闕之頌斯達

朕闕山脫屣褰裳願尋真於汾水不飾情於外禪無待咨

岳之闕逸已於中宸自申知子之授潛圖釋負未述所懷

屬炎籥戒辰涼宮避暑闕因扈闕沈闕及其闕愈乃申闕

性特隆一聞斯言因便感咽伏枕流歎哽絕移時重致縣

留遂咸沈痼西山之藥不救東岱之魂吹湯之醫莫返逝

川之命以上元闕年闕月廿五日薨於闕之闕既仰謝於

姬昌變髮之悲遂俯同於容儻闕不知至人無愛大道忘

情雖慕延陵之通終愴卜商之感天后心纏積悼痛結深

慈相鳳

闕

泣昔周

闕

言朕之至懷不欲違其心許故申舊

命爰贈尊名粵以吉辰乃謚爲孝敬皇帝其葬事威儀及

山陵制度皆准天子之禮惟爾識自生性

闕

合體

闕

日將

月就羣方欽其麗正多士挹其宣猷愛敬極於九重光耀

究於四海卑詞降東園之逸高談接南館之賓儲君之德

盛焉天子之望隆矣庶其三

闕

茂方

闕

徵奄促上賓之駕

興言念往震悼良深朕以其孝於承親恭於事上意欲還

京卜葬冀得近侍昭陵申以奉先之禮順其既往之志但

以農星在候田務方殷重歸關輔恐有勞廢遂割一己之

慈

闕

便兆人之業

闕

以爲言故賄殮絕於珠璣明器惟資

瓦木一從本志無奪宿成即以上元二年八月十九日遷

寔於景山之原禮也冀樹

闕

陽無隔風雲之路鶴歸候

闕

合之有遷刊貞珉而垂範式旌往行廼作銘云

震象凝位離景騰輝地浮重海天開少微惟皇取則利建

儲闡承祧是寄主鬯攸歸

其

運啟昌圖祚隆先聖丹霧流

闕

慶

闕

正

其二

研幾道

闕

發慮

闕

津戈臨春序籥奏秋旻商

巖佇逸望苑通賓考藝方遠宣猷日新

其三

禮茂承顏

闕

融

錫類愛敬兼極君親一致

闕

義重

闕

情至性

闕

其闕

四

優游

四德績劭撫軍譽宣監國便坐垂範寢門貽則量湛用冲

化敷元默

其五

虛佇丞凝崇奉師保望行辯牘臨渦

闕

藻讓

闕宮

闕

逾

闕

道

闕

德斯

闕

爲寶

其六

楹

闕

靜愈

鳴葭

締游

鷄廚斯啟鮑俎弗羞恭行一物澄汰九流

其七

緬惟釋重載

追前懿爰念少陽將推大位純孝深感聞言哽泗

闕

命未

申

其八

玉

闕

彩珠

沈夜

光未

闕

泣元

圃風

悲畫

堂感

今興

悼念昔增傷

其九

崇諡

追尊

鴻名

贈冊

伊洛

疏兆

嵩環

卜宅

隧擬橋巖塋圖畢陌霧凝平楚煙生竹柏

其十

原隰

闕

仙殿

闕

飛鳳碑空篆鶴駕無追

其十一

金史卷之三
三
大唐故司空太子太師上柱國贈太尉揚州大都

督英貞武公李公碑

朕聞四維紀地坤元所以載物八柱承天乾策由其列耀
故軒邱御歷資六相以經綸豐水膺圖憑九臣而締構莫
不道符金礪契叶鹽梅虎嘯龍騰風翔雲起公名勣字懋

功

闕一字

州衛

闕四十字

祖康齊伏波將軍譙郡太守追贈濟

州刺史父蓋散騎常侍陵州刺史上柱國濟陰郡王後固

辭

闕一字

改封舒國公贈潭州都督業傳弓冶代列簪裾載

德象賢

闕一字

光惇史

闕三十字

英

闕一字

年甫十七屬隋運分

崩於時率土沸騰羣方競逐黃龍白騎牙動干戈丹浦綠
林遞興氛祲家負吞沙之力人懷鍊石之心李密據大洛
以稱兵臨二周而

關一
字

濟公權推盟主暫

關八
字

之高

祖神堯皇帝應昊穹而撥亂順斗極以龔行四海樂推兆
人思戴及密來投附公獨未歸既承其旨方奉皇運誠於
所事造次必形風霜之節其在茲矣高祖乃詔公爲黎州
總管上柱國萊國公尋改青曹公賜同國氏公臨危守義
類文聘之懷忠建策承恩同奉春之得姓武德二年又授
右武侯大將軍是時國步未夷王塗尚梗太宗文武聖皇

帝愍茲交

闕一字

大拯橫流公出賛元戎入參神算受分麾

之重寄沐賜榮之殊榮劉武周率彼犬羊憑陵汾晉先朝

躬親矢石公則任屬偏裨蕭斧纔臨朝

闕一字

俄翦

闕一字

充

竇德潛議合從南瀕控鶴之山北距飛狐之塞擁周韓之

銳卒驅趙魏之梟兵自謂力動天關威迴地軸

闕二字

營

字

闕三十

徐員朗虔劉齊地南征北伐並効深功憬彼

匈奴自昔爲患乘折膠而犯鄣侯滿月而來侵朔騎騁於

唐郊胡笳沸於汾隰簸林搖岳噴野騰川烽火照於

闕一字

中羽檄飛於

闕一字

下公出車

闕三十

豪之逢巨燎彌山抑

室似危葉之遇衝飈滅跡掃塵追奔逐北乃加食封九百

戶參墟奧壤

闕一字

迹所基傍控寶符之鄉近對金庭之域

眷言樞要綏撫特難鎮俗威邊

闕三十
七字

浮革船而度

闕一字

河窮

闕一字

海而傾巢

闕一字

狼臺以

闕一字

穴遂使地空塞北

候靜漠南漢將勒燕然之銘胡騎動陰山之

闕一字

旣而頻

丁巨罰殆不勝哀累詔寬解敦還

闕二十
六字

先聖承閑曲垂

談宴緒言之際以朕託公便即齧指流血銘肌爲記忠貞

之操振古

闕一字

倚金石之心唯公而已改封英國公授兵

部尚書尋授特進太子詹事左衛率

闕三字

九年授

闕二字

道

行軍大總管

闕七字

先朝東征大破駐蹕尋授靈州道安撫

大使破延陀於烏德鞬山又授太常卿出爲疊州都督尋

除特進檢校

闕一字

州刺史朕纂承丕緒延想舊勲又授公

開府儀同三司尚書左僕射

闕二十一字

以

闕十

授職勲賢異

宜踐位未淹遽申

闕一字

讓朕成公之美權遂謙光尋拜司

空用旌

闕一字

德傍敷九土上穆三台聿膺元武之符載調

黃鼎之餽彝倫式敘庶績其凝乃將有事

闕二字

以公爲

十二

先朝親行弔伐雲衝萬道天兵四臨

闕一字

醜徒於握

中置凶羣於几上但聖心惻隱不忍抗夷賜以重生返其

歸路猶復收合餘燼背義忘恩莫念解網之仁還興舉斧
之逆朕恭惟往志情切授柯思清隧穴之祆誓雪園陵之
憤昔王翦舊將方吞南楚之強充國老臣始定西羌之孽
立功立事耆德是憑故勞公暮年出征外域乃以公爲遼

東道安撫大使行軍大總管韞玉

闕一字

之宏

闕四字

之妙

闕二字

十八字

壹縱間謀以知窮因鄉導而乘隙殄茲寇壘不藉九

攻之勞獲彼凶渠唯恃七擒之術傾源拔奔海罄山空萬

代逋誅一朝清蕩及旋拜太子太師

闕一字

封二百戶公自

少及長

闕一字

身奉國

闕三十

上藥名醫相望道路曰仁必

壽竟爽神期天不憖遺殲我良懿以總章二年十二月三

日薨於私第春秋七十有六朕

關一

車軫慟去籥興哀爰

命

關一

寮廢朝七日

關一

宜

關三

相鄭

關三

給以咸亨元

年二月六日陪葬昭陵所築之墳一准衛霍故事象烏德

韃山及陰山鐵山等以旌破北狄東夷之功焉其遷葬之

晨朕自至橫門投書永訣穿壁候疹不救鶴板之災登城

關一

泣徒深蟻

關一

之感

關三

朋則虛舟靡逆行已則暗

室無欺晦雨不革其音疾風

關一

知其勁奉親思孝遽彰

懷摘之誠事上資恭無待觀

關一

之誠孫吳藝術弗學而

生知管樂才

闕三字

而斯

闕三十二字

替之言外不彰其直入盡

弼諧之致出不顯其忠就禮俗而存道因善謔而申諷抵

掌宏議庶政咸仗其謀造膝詭詞羣寮莫知其際夷險一

致寵辱不驚

闕六字

之

闕六字

之

闕二字

之懼其爲吏也嚴而不

殘其爲將也威而能愛子顏之方敵國在昔多慙道濟之

比長城於今爲劣朕以公桑榆景力謝年侵欲令諸子

仕

闕一字

得

闕三十

餘生懷此知足加以上居閒宇唯欣里

宅之卑列壤䟽封獨尚寢邱之儉豈非業光三傑譽重二

南爲社稷之元勲實期運之隆棟公材公望有始有終

闕三字

十七
字 逝何痛如之徂光倏而不留宰樹森其成列恐栒邑

之地竟淪彩於琯戈庶武昌之原永傳輝於翠玉式旌遺

懿乃勒銘云

惟皇建極惟臣佐功吟嘯元感卜夢潛通如鱗縱壑若羽

隨風弼諧天構光亨棟隆其爰有傑人胄承華緒德闕一

殆庶道光性與情希管樂器侔伊呂闕一物闕六其闕三

字 泉其金石齊貞松筠表勁攝下唯闕一基身以正賜厚

分驂恩隆得姓變和師律抑揚辭令其營開偃月旆闕一

連雲下江澄靄平林散氛元池妙略黃石崇勲威橫百戰

勇冠三軍

其闕二十
五八字

慎同溫室

其六

出車青徼申謀絳宮駕

狄攻狄驅戎伐戎鯨銷海晏蜃

闕一
字

樓空永殪逋藪長清

大風

其七

締構邦基經綸國步戒盈辭滿鳴謙履素克壯其

猷

闕二
字

歲暮凜

闕一
字

奇節溫溫

闕二

其闕二十

八四字

竭誠戴主

傾身奉國

其九

負山潛遠夢瓊興愴階裂下台星沈上將朝

悲野泣投環輟相晉原長往吳閭徒望

其十

三河聚騎五校

陳兵旌軒委鬱笳挽淒清沈沈

闕二
字

寂寂

闕十

其十

闕十
四字

峴首墳象

闕一
字

山樹疑營柳人謠國頌天長地久

其十
二

泰山玉牒文

嗣天子臣治敢昭告於昊天上帝有隋位極顛危天數窮
否生靈塗炭鼎祚淪亡高祖仗黃鉞而救黎元錫元珪而
拯沈溺太宗功宏鍊石定區宇於再麾業比斷鼇飲滄溟
而一息臣忝奉餘緒承威積慶遂得崑山寢燎炎海韜波
雖業茂宗祧寔降靈穹昊今謹告成東嶽歸功上元大寶
克隆鴻基永固凝薰萬姓陶化八紘

祭告孔子廟文

維乾封元年歲次景寅二月戊戌朔二日己亥皇帝遣司
稼正卿扶餘隆以少牢之奠致祭先聖孔宣父之靈惟神

玉鈎陳貺靈開四肘之源金鼎流禎慶傳三命之範神資
越誕授山岳以騰英天縱攸高蘊河海而標狀折衷六藝
宣創九流睿乃生知靈非外獎於是考三古褒一言刊典
謨定風什莊敬之容畢備鐘鼓之音載和父子爰親君臣
以穆蕩乎煥乎樂正雅頌各得其所可不謂至聖矣夫朕
以涼德嗣膺神器式崇祇配展義云亭感周禮之尚存悲
素王之獨往杼軸洙泗如挹清瀾留連舞雩似聞金奏昌
門曳練徒有生芻之疑漢曲移舟非復祥萍之實慨然不
已爰贈太師堂宇卑陋仍命修造褒聖子孫合門勿事庶

能不遺百代助損益之可知永鑑千年同比肩而爲友聿
陳菲奠用旌無朽梅曙霞梁松春月牖德音暢而無斁形
神忽其將久儻弗沫於生前亦知榮於身後尚饗

枇杷子帖

使至得所進枇杷子良深慰悅嘉果珍味獨冠時新但川
路旣遙無勞更送今者梅炎藻夏麥氣迎秋香飄蘭坂之
風鏡轉桂巖之月爲善之暇想足怡神延望白雲載深離
緒聊疏綠字此不多申諮

叔藝帖

叔藝韞多材慈深善誨藹夙奉趨庭之訓早擅臨池之工
聞其比來復愛飛白昨故戲操翰墨聊以示藹慚六文之
麗則異五際之芳詞忽枉來書談飾過實顧惟菲迹非敢
當仁披覽循環祇以增愧故斯表意餘不多云諮